



ЖОНКУЯРЛАР КЎПАЯВЕРСИН

Ҳурматли Тўхтамурод Ғафуров, ушбу рўзноманинг 43-44 сонларида чоп этилган «Жарима солишга кимнинг ҳаққи бор?» деб номланган мақолаиизни синчиклаб ўқиб чиқдим. Унда кўтарилган муаммоларнинг долзарблигидан сизнинг анчагина кўнчалар эканлигини билганимиз турибди. Чунки ўз ишини сидиқдидан севган, ардоқлаган одамгина шу соҳадаги камчилик ҳамда чаллашликларга бефарқ қараб туролмайди. Иложи борича уларни тугатишга ҳаракат қилади. Шу сабабдан ҳам мен сизнинг фикрларингизни тўла қўлаб-қувватлаган ҳолда журъатингизга ташаккур билдираман ва саволларингизга баҳоли қудрат жавоб беришга ҳаракат қиламан.

Участка вакиллари олдидан турган муаммолар ҳақиқатан ҳам анча мураккаб масала. Бу тўғрисида жумҳурият ички ишлар вазирлиги раҳбарлари ҳам кўпдан бери

биноан тажриба сифатида жорий этилган милиция участкаси бошлиғига ҳам ички ишлар идораларининг бошлиқлари ёки уларнинг ўринбосарлари, туман, шаҳар, шаҳарлардаги туман ички ишлар системасидаги милиция бўлиқлари бошлиқларига берилган маъмурий жазо бериш ҳуқуқи тажриба тариқасида вақтинча берилди. Жавобим аниқ бўлиши учун жазо бериш ҳуқуқини таъкидлаб кўрсатмоқчиман. Бунга қўйиладиган қиради: ЎзССЖнинг маъмурий ҳуқуқбузарлик тўғрисидаги мажмуасининг 233-моддаси 1-қисмида кўрсатилган 177, 179, 179-моддалари ва 180-моддасининг биринчи, иккинчи ва учинчи қисмларида назарда тутилган маъмурий ҳуқуқбузарликлар учун жазо бериш.

Шу ўринда бошқа бир нарсани ҳам айтиб ўтишим шарт. Агар янги ташкил этилаётган милиция участкала-

Муносабат

бош қотириб келмоқдалар. Мақсадимиз қандай қилиб бўлсада, уларга енгиллик яратиш, қулай иш шароити яратиш. Ана шу мақсадда ҳозирги кунгача вазирлигимиз томонидан баъзи бир чора-тадбирлар ишлаб чиқилди. Чунки, ИИВнинг шу йилги 73-сонли буйруғига биноан Қорақалпоғистон жумҳуриятида, Тошкент, Фарғона, Самарқанд, Жиззах вилоятларида ҳамда Тошкент шаҳрида тажриба сифатида милиция участкалари ташкил қилинмоқда. Юқорида тилга олинган буйруққа асосан ташкил этилаётган милиция участкаларида участка бошлиғи лавозими жорий этилди. Унинг ҳуқуқлари шаҳар ва посёлка милиция бўлиқлари бошлиқларининг ҳуқуқлари билан тенглаштирилган бўлиб, бу бизнингча анча қулайлик яратиши керак. Чунки участка бошлиғининг раҳбарлигида бир нечта милиция участка вакиллари, баалоғатга етмаганлар билан шуғулланувчи ходимлар ҳамда патрул-пост хизмати милиционерлари хизмат қиладилар ва бево-сита унга бўйсундилар. Демак, энди участка вакили жаримачи билан туман марказига — ИИБ бошлиқлари ҳузурига етаклашиб юрмасдан, шу жойда, яъни участка бошлиғи олдидан масалани тезгина ҳал қилиб қўя қолади. Ҳеч қандай ортиқча овозгарчиликка ҳожат қолмайди. Энг муҳими участка вакиллари вақтдан ютишади, бу эса бошқа ишлар билан, тўғрисида мунтазам тартиб, жиноятнинг олдини олиш, фуқароларга ҳуқуқий ёрдам қиларлар ила кўпроқ шуғулланиш имконини беради.

Нима учун бундай деяман? Чунки янги буйруққа

ри жамоат ва ҳуқуқ-тартиботни мустаҳкамлашга ўзининг ижобий таъсирини кўрсатса, участка вакиллари ишнинг енгиллаштиришга муносиб ҳисса қўшса, унда бундай участкалар 1992 йилдан бошлаб жумҳуриятимизнинг барча ички ишлар идоралари системасида тўлиғича жорий этилади.

Яна шунинг ҳам айтиш лозимки, вазирлик кўп сонли участка вакиллари хизматини, уларнинг моддий таъминотини яхшилаш мақсадида ҳам талайгина ишларни режалаштириб қўймоқда. Уларнинг баъзилари амалга ошмоқда. Масалан, илгарилари участка вакиллари ма-лака ошириш учун анча вақт сарфлаб, иттифоқимизнинг турли бурчакларида жойлашган ўқув муассасаларига бориб келардилар. Энди буларга чек қўйилди. Чунки вазирлиқнинг ҳаракати билан ССЖИ ИИВнинг Тошкент ўрта махсус милиция мактаби қошида доимий ишловчи ўқув машғулоти ташкил қилинди. Эндilikда янгидан ишга қабул қилинган участка вакиллари қайта ўқитиш ва малакасини ошириш шу ерда амалга оширилади.

Шунингдек, участка вакиллари қулайлик яратиш мақсадида яқинда вазирлигимиз жумҳурият алоқа ва зирлиги билан биргаликда махсус кўрсатма (4.01.91 йил, 6/6 сонли) ишлаб чиқди. Унда барча участка вакиллари хизмат хоналари ва турар жойларини телефонлаштириш шартлиги айтилган ва аниқ муддатлар белгиланган. Бу ҳам гам-хўрлиқнинг бир намунаси деб биламан.

(Давоми 2-бетда)



ЎЗБЕКИСТОН ССР
ОЛИЙ СУДИНИНГ РАИСИ
Убайдулло Курбонвич
МИНГБОВ

1939 йилда туғилган, ўзбек. 1969 йилдан КПСС аъзоси. Тошкент давлат университети битирган. Касби — ҳуқуқшунос. Меҳнат фаолиятини 1967 йилда Тошкент шаҳар Октябрь район совети ижроия комитетининг ички ишлар бўлимида катта терговчиликдан бошлаган. Сўнгра Сурхондарё вилояти ва республика милиция ҳамда суд маҳкамаларида ишлаган. 1978—1987 йилларда Бухоро вилоят судининг раиси бўлган. 1987—1988 йилларда Ўзбекистон ССР Олий судининг аъзоси, 1988—1990 йилларда Ўзбекистон ССР Олий суди жиноий ишлар бўйича суд коллегияси раиси лавозимларида ишлаган. 1990 йилдан шу кунгача Тошкент шаҳар судининг раиси.

ЎЗБЕКИСТОН ССР
ДАВЛАТ ҲАВФСИЗЛИГИ
КОМИТЕТИНИНГ РАИСИ
Ғулом АЛИЕВ

1934 йилда туғилган, ўзбек. 1961 йилдан КПСС аъзоси. Андижон давлат педагогика

ТАНИШИНГ:

институтини битирган. Касби — ўқитувчи. Меҳнат фаолиятини 1952 йилда Андижон шаҳар санитария-эпидемиология станциясида шоферликдан бошлаган. Вилоят газетасида, Андижон вилоятининг совет, комсомол ва ҳуқуқ-тартибот ташкилотларида турли лавозимларда ишлаган. 1966 йилдан Давлат хавфсизлиги комитети ташкилотларида — Ўзбекистон ССР Вазирлар Кенгаши



ЎЗБЕКИСТОН ССР
ОЛИЙ ҲАКАМЛИК
СУДИНИНГ РАИСИ
Роберт Альбертович
ХАЧАТУРОВ

1928 йилда туғилган, армени, 1957 йилдан КПСС аъзоси, Тошкент давлат ҳуқуқшунослик институтини тамомлаган. Касби — ҳуқуқшунос. Меҳнат фаолиятини 1949 йилда Ўзбекистон ССР Адлия вазирлигининг Тошкент вилоят бошқармасида тафтишчиликдан бошлаган. Сўнгра «Средазэлектромонтаж» трестининг адлия маслаҳатчиси, Ўзбекистон ССР Қурилиш вазирлиги адлия бўлимининг бошлиғи — бош ҳаками, Ўзбекистон ССР Вазирлар Кенгашининг катта маслаҳатчиси, адлия бўлимининг мудир бўлиб ишлаган. 1982—1987 йилларда республика Вазирлар Кенгаши ҳузуридаги давлат ҳакамлигининг бош давлат ҳаками, 1987 йилдан эътиборан эса Ўзбекистон ССР Бош давлат ҳаками вазифасида ишлаган.

САРСОН-САРГАРДОНЛИК

«ПОСТДА» РЎЗНОМАСИ ВА ТОШКЕНТ ШАҲАР ИИБ ДАНБ ҚЎШМА РЕЙДИ



Кейинги пайтларда шаҳар уловидан юриш тартиблари бир неча бор ўзгаририлди. Дастлаб салонларда чипта сотиларди, кейин абонемент усули жорий этилди. Бу ҳам наф бермагач, ижара пудратини ўйлаб топилди. Ана шу ислохларнинг барчаси йўловчиларга маданий хизмат

кўрсатиш шiori остида амалга оширилди. Амалда эса аксинча. Қайтага ҳайдовчиларнинг ўзлари хон, қўланкалари майдон бўлиб қолди, улар бекатларда тўхтагандан кейин кабинада ўтирган қўйи олдинги эшикдан битта-битта тушаётган йўловчилар қўлига термула-

диган қилиқ чиқаришди. Энди-чи? Минг бор мураккаб вазият юзага келди. Баъзи автобусларда чипта сотилади, баъзиларида эса йўқ. «Маданий хизмат кўрсатиш» деган муаммо эса янада ўткирлашди. Бирин-

(Давоми 3-бетда)

ЖОНКУЯРЛАР КЎПАЯВЕРСИН

(Давоми. Боши 1-бетда)

Энди учинчи саволингизга келсак. Тўғри, ССЖИ ИИБнинг 1989 йил 6 мартдаги махсус буйруғида оператив ходимлар билан биргаликда катта участка вакиллари ҳамда участка вакилларига хизмат давомиди шахсий автомашиналаридан доимий равишда фойдаланганликлари учун ёнилғи ва эҳтиёт қисмларга ишлатилган сарф-харажатларни қоплаш мақсадида моддий ёрдам бериш кераклиги қайд этилган. Буйруқнинг ижросини таъминлаш эса ички ишлар бошқармалари бошлиқлари зиммасига юклатилган. Афсуски, бу иш ҳозиргача амалга ошмай келаётир. Нима учун? Ҳозир тушунтиришга ҳаракат қиламан. Сиз милиция майорисиз. Мамлакатимиздаги қалтис иқтисодий тангликни яхши ҳис қилсангиз керак. Маълумки, ССЖИ ИИБ ушбу буйруқни қабул қилиш пайтида унинг моддий асосини таъминлаш масаласини узил-кесил ҳал қилмаган, аниқроғи бу харажатларга кетадиган қўшимча маблағни

ажратмаганди. Айни кунда эса бу муаммони ечиш тобора қийинлашмоқда. Чунки пул етарли эмас. Менимча, яқин орада бу масала ҳам ўз ечимини топса керак. Ана ўшанда ёнилғи ва эҳтиёт қисмлар учун ИИБларидан ёрдам олиш мумкин бўлади.

Давлат тили тўғрисидаги саволингизга турлича жавоб берса бўлади. Биринчидан, ўзбек тилига давлат мақоми берилгач, бу қонуннинг ижросини ички ишлар идораларида таъминлаш мақсадида 1990 йил 28 февралда ИИБ ўз ҳайъатида ушбу масалани кўриб чиққан ва махсус қарор қабул қилганди. Бу қарорда ички ишлар идоралари томонидан қонуннинг тўла-тўқис бажарилишини таъминлаш чора-тадбирлари белгиланиб, ижро қилишлик учун барча вилоятлар ИИБларига юборилганди. Демак, ҳамма ишлар ана шу қарорга биноан давлат тилида бажарилиши шарт. Иккинчидан, шу соҳада ишлаётган барча ходимлар бу ишга ўзида масъулият сезган ҳолда ёндашишлари лозим. Яъни, тилга ғамхўрлик билан қара-

ши керак. Бекорга «тилга эътибор—элга эътибор» деб айтилмаганда. Фақат буйруқ билан қўл нарсани амалга ошириш қийин. Кези келганда айтиб ўтиш лозимки, ҳозирги пайтда ҳам (бўлмаса давлат тили ҳақидаги қарорнинг қабул қилинганига икки йилча бўлиб қолди) маҳаллий миллат вакили бўлмиш баъзи бир ходимларимиз бир-бирларига хабарлар, буйруқлар, баённомаларни рус тилида ёзиб жўнатишда давом этишмоқдалар. Тўғри, ўрганиш бўлиб қолган, лекин ўз она тилини ҳурматламайдиган, қадрламайдиганлардан нимани кутиш мумкин? Гапнинг индаллосини айтганда, бу ишда кўпчилик баҳамжиҳат меҳнат қилиши лозим. Демак ўзбек тилида иш юртиш ўзимизга боғлиқ.

Мақолагиздаги «...ички ишлар вазирлиги, бошқармаларидан келаётган барча буйруқ, кўргазма, ҳужжатлар рус тилида ёзилган. Нега шундай?» деган саволингизга маълум бир маънода жавоб бердим. Лекин биламан, сиз мендан аниқ жавоб кутаясиз. Юқорида тилга олин-

ган вазирлик ҳайъати бўлиб ўтгач, барча расмий иш қозғаларини таржима қилиб, босмаҳонага топширдик. Афсуски, маблағнинг озлиги, қозғоғ йўқлиги учун ҳам босмаҳона бу ишни ҳал қилиб беролмаётир. Бундан ташқари хизматимизга алоқадор барча терминлар таржимага берилган. Бу ҳам пул ва қозғоғга боғлиқлиги учун тайёрланиши кечикмоқда. Шунингдек, вазирликда рус тилида сўзлашувчи ходимларга ўзбек тили ўргатиш ҳам йўлга қўйилди. Умуман айтганда, бу вазифа бир-икки кун ичида ҳал бўладиган иш эмас. Унга ойлар, ҳатто йиллар керак бўлади.

Яна қайтариб айтаман, бу қонуннинг тўла-тўқис амалга ошиши учун ҳаммамиз жавобгармиз, аниқроғи давлат тилига барчамиз кўнгилдан чиқариб, виждонан ёндашмоғимиз шарт.

Ғафур РАҲИМОВ,
УзССР Ички ишлар вазирлиги ўринбосари милиция генерал-майори.

ТЕЛЕВИЗИОРИНГ

БЎЛМАСА...

Инсон боласи турфа ажойибот шайдоси. Дастлаб экранда ҳаракатланаётган одамларни кўрганда, кўзи кинидан чиққудек тикилган. Кейин қора-оқ рангли ойна жохон унинг хонадонига қураи заминини олиб кирди. Орадан кўп ўтмай тараққиёт унга рангли экранни ҳада этди. Камалак рангидида товланаётган табиат манзараларини, сеvimли спорт ўйинини, туйғулар уммонига чўктираётган раққоса хирамонини томоша қилишга нима етсин. Фақат битта шарт бор. Унингда бугун отликқа ҳам топилмайдиган рангли телевизор бўлса. Пешонасига битмаганлар-чи!!

Қаловини топсанг, қор ёнади, деганлар. Кимдир қарз кўтаради, бошқаси енгил йўл — ... жиноят кўчасига киради. Тошкент шаҳрининг Қўйлиқ даҳасида яшовчи, тертўқилдиган меҳнат деса, лабига учуқ тошадиган 22 ёшли М. Валерийдаги ҳавас ўти азбойи баданини қиздиравергач, ёнига шеригини олди.

10 июнь кўни соат тўртларда улар қўшни маҳалладаги мўлжалга тушган хонадон эшиги кўнғироғини босишди. Камтарин эмасми, уй эгаси таклифини кутмасдан остона ҳатлаб кўя қолишди. Сўроқсиз кирганлар фуқаро Г. биқинига ўткир тигли пичоқ қадашгач, унинг дами бир зумда ўчди. Ошнолар пул ва қимматбаҳо буюмларни топишолмади. Шу пайт Валерийнинг кўзи бурчакдаги «Радуга» белгилли рангли телевизорга тушди, ҳурсандчилигидан ёш болалардек қийқириб юборди.

Шериги билан уни кўтарди-ю, воқеа содир бўлган жойни шоша-пиша тарк этди. Лекин «шайдо»ликнинг чуви чиқиб, босқинчиликдан милиция хабар топди.

Ғ. ЖҲРАЕВ.

МАЙДА-ЧУЙДАНИНГ КИММАТИ

Рўзномамизнинг 6 июнь сониди шу йилнинг 27 май кўни Жиззах-Қўқон йўлининг 115-километрида содир этилган йўл-улов ҳодисаси ҳақида хабар берган эдик.

Жумҳурият ИИБ ДАНБ ходимлари томонидан ушбу фожиа юзасидан дастлабки текширув ишлари ўтказилди.

27 май кўни 43-00 СИЛ рақамли «РАФ-2203» белгилли автомобил ҳайдовчиси А. Усмонов тахминан тунги соат 2.30 ларда Жиззах-Қўқон йўлининг 115-километрида ҳаракатнинг қарама-қарши томонига чиқиб кетиб, рўпарадан келаётган 18-61 СИА рақамли «ВАЗ-2121» белгилли автомобил билан тўқнашув содир қилди. Натижада «ВАЗ-2121» автомобили ҳайдовчиси М. Норматов ва унинг йўловчиси Сирдарё вилояти соғлиқни сақлаш бўлимининг таъмирлаш-қурилиш бошқармаси бошлиғи Н. Ҳақбердиевлар ўша жойдаёқ ҳаётдан кўз юмганлар. 12 киши турли даражада тан жароҳатлари билан касалхонага ётқизилган.

Гулистон автобус-такси саройига қарашли «РАФ-2203» автомобили ҳайдовчиси А. Усмонов 26 май кўни эрталаб соат 7.15 ларда тиббий кўрикдан ўтади. Автомобилнинг техникавий ҳолати текширилгач, шаҳар маршрутида ишлайди. Соат 17 ларда ишни тамомлаб гаражга қайтгач, бош муҳандис К. Норқуловдан Фаргонага бориши лозимлиги ҳақида кўрсатма олади. Қарийб 10 соат ишлаб чарчаган А. Усмонов 4-5 соат ҳордиқ чиқаргач, ҳамроҳи Ф. Дадабоев билан 10 нафар йўловчини элиб қўйиш мақсадида йўлга тушди.

«ВАЗ-2121» автомобили эса Сирдарё вилояти соғлиқни сақлаш бўлими таъмирлаш-қурилиш бошқармасига қарашли экан. Ҳайдовчи М. Норматовга 26-27 май кўнлари учун ягона йўл varaқаси берилиб, вилоят ҳудудидаги объектларга хизмат қилиш кўрсатилган. Ўша кечаси автомобил гаражга қайтмаган ва бошлиқ Н. Ҳақбердиевнинг кўрсатмасига мувофиқ вилоят ҳудудидан ташқарига чиқиб, белгиланмаган мақсадда ишлатилган.

Ҳайдовчи А. Усмоновнинг гувоҳлик беришича, Фалокатнинг асосий сабаби рўпарадан келаётган бошқа автомашина ҳайдовчисининг узоқни ёритувчи чироқлардан нўрн фойдаланиши оқибатида унинг кўзлари қамашиб қолганида.



Агар ҳақиқатдан шундай бўлса, нега у йўл ҳаракати қондаларининг 19.2 бандига амал қилиб, авария чироқларини ёққан ҳолда ҳаракат чизигини ўзгартирмай ва тезликни қамайтириб, автомобилни тўхтатмади?

Бу фожиа содир бўлмаслиги мумкинми? Ҳа, албатта. Автокорхона бош муҳандиси К. Норқулов кун бўйи ишлаб чарчаган ҳайдовчи А. Усмоновни Фаргонага юбормаганида, таъмирлаш-қурилиш бошқармаси бошлиғи Н. Ҳақбердиев автомобилни белгиланмаган мақсадда ишлатиб, вилоятдан ташқарига олиб кетмаганида, ўзидан бошқани ўйла-

майдиган ҳайдовчи узоқни эмас, яқинни ёритувчи чироқдан фойдаланганида, А. Усмонов йўл ҳаракати қондалари талабларини тўлиқ бажарганида эди, кишилар ҳалок бўлишмас эди.

Юқорида қайд этилган нарсаларни баъзан арзимас майда-чуйда, деб ҳисоблаймиз. Лекин катта-катта бахтсизликларнинг сабаблари ана шулар эканлиги ҳақида ўйлаб ҳам кўрмаймиз.

Алпоз НАЗАРОВ,
УзССР ИИБ ДАНБ ходими милиция капитани.

Суратларда фалокатнинг оқибати акс эттирилган. **М. ЗИЕДОВ** олган суратлар.

ИЧКИЛИКБОЗ БЕЗОРИ

1973 йилда туғилган Шўхрат ўринов «Хонқа» кафе-сидра хурмачасидан тошгунча ичди. Кейин эса нимадандир норози бўлиб, шу кафе хизматчисини ҳақоратлай бошлади. Шўхрат бу билан қоникмади. Пичоқ билан оқ халатли буфетчини қонига белади-ю, бир зумда кўздан ғойиб бўлди. Аммо узоққа қочиб кетолмади. Милиция ходимларининг тез ҳаракатлари туфайли бу ашаддий безори қўлга туширилди ва жавобгарликка тортилди.

Саъдулла БОБОЕВ,
Хоразм вилояти.

Аҳлоқ тузатиш меҳнат колонияларида жазо муддатини ўтаётганлар жуда кўп. Уларнинг қайси бирови эҳтиётсизлик қилиб, яна бошқаси кўр-кўрона, ...хуллас жиноят содир этганлар. Энди эса ягона йўл — тезроқ озодликка чиқиш. Чунки уни кутишяпти. Бироқ ким у кутаётганлар? Албатта, оиласи, таниш-билишлар. Эски қадрдончилик ҳурмати маҳбустларнинг яқин кишилари унинг оиласига ғамхўрлик қилишдаги ёки сим тўсиқлар ортидаги кишисига совға-саломлар юборишда ва ҳатто белгиланган вақтда учрашувларга келишди. Ҳа, бу оддий инсон

ни»да ҳам айтилган-да. Агарда ҳозир Владимирга «содқатли дўст» эканликларини исботлашса борми, кейинчалик бу, албатта, асқо-тади.

... Владимир билан гаплашишнинг иложи бўлмади. Соқчилар бунга йўл қўйишмади. Сўнгра Михаил ва Юрий бошқача йўл тутиди. Ўзлари билан олиб келган наркотик модда ва 50 сўм пулни ўрадилад-да, маҳбустлар ишлаётган жойга улоқтирдилар. Ўзлари эса зудлик билан... Йўқ, қочинишга улгурма олмадилар. Маҳсус назоратчилар уларни қўлга олдилар. Ичкарига ташланган «груз» ҳам «му-

«ИСИТИШ»ГА КЕЛИБ «КУЙИБ» ҚОЛИШДИ

ларга хос хислатдир. Кўрсатилган бундай мурувват эса ўз йўлидан адашган кишини эзгулик йўлига қайтишига замин яратади.

Бироқ шундай қора ниетли кишилар ҳам борки, уларнинг мақсади қандай йўл билан бўлмасин эски «қадрдончилик»ни сақлаб қолиш, «сахийлик» кўрсатиш йўли билан уни яна ўзига қарам қилиб олишдир. Бундай кимсалар асаблари шусиз ҳам таранг тортилган маҳбустларни ярасини янгилайдилар. Унинг қайта тарбияланишига тўсқинлик қиладилар.

1973 йилда туғилган тошкентлик Михаил Осипов ва Юрий Токаревлар ҳам шундайлар тоифасидан экан. Икковлон Қарши шаҳридаги АТМКга қараб йўл олдилар. Чунки у ерда қадрдонлари Владимир «ўтирибди». Уни «иситиб» келиш керак. Ахир, «мушжик»ларни ҳолидан хабар олиш кераклиги «Ўғриллар қону-

жик»лар қўлига тушмади. Чунки ўша жойда хизмат вазифасини ўтаётган ички хизмат капитани Чўли Ҳакимов бошчилигидаги ходимлар қаққонлик қилиб қолишди.

М. Осипов ва В. Токаревлар Қарши шаҳар ички ишлар бўлимига олиб келинди. Текширув вақтида уларга тегишли бўлган спорт халтаси кўздан кечирилганда, унинг ичидан наркотик модда ва ўйинчоқ тўппонча чиқди. Буни қарангки, иноқ улфатлар ўзларини ҳимоя қилиш учун ўйинчоқ тўппонча олиб юришганимиш. Ундай бўлса, наркотик модда-чи? Эҳтимол қувноқ ўйнаб-кулишлари учундир? Ҳозир бу саволга Қарши шаҳар ИИБ ходимлари жавоб излашяпти.

И. САМАНДАРОВ,
УзССР ИИБ аҳлоқ тузатиш ишлари бошқармасига қарашли муассаса бўлинимаси бошлиғи ички хизмат капитани.

САРСОН-САРГАРДОНЛИК

(Давоми. Боши 1-бетда)

чидан узоқни яқин қилиши керак бўлган замонавий уловни бекаларда сарғайиб кўп кутасиз. Келиши билан атрофдагиларни ур-сур қилишига қарамай салонга қараб интиласиз. Бир зумда йиғилган одамлар орасида оёқ қўйгани жой ҳам топиламан қолади, нафасингиз тикилиб, юрагингиз халқиради. Лекин чидасиз. Манзилга яқинлашаётганда эса олдинга ўтишга ҳаракат қиласиз. Чунки ўрта ва орқа эшикларни очилмаслигини яхши биласиз, бу ёзилмаган «қонун».

Биз бу хулосаларни таҳририятимизга келаятган даста-даста шикоят хатларга асосланиб айтаямиз. Зеро, бизни шаҳар кўчалари бўйлаб рейд ўтказишга ундаган нарсаси ҳам шу.

8 июнь куни «Чилонзор» бекатида турардик. Жанубий вокзал ва Жарариқ орасида 152-маршрут билан қатнайдиغان 32-00 ТНБ рақамли автобус келиб тўхтади. Ҳайдовчи салонда кенсалар ва болалар аёллар бўлишига қарамай, тарки одат қилмади, орқа эшик очилмади.

— Нега бундай қилаёпсиз, ахир, одамлар қийналишяптику? — деб сўраймиз пастга тушгач, енгил тортган одамлардан нигоҳ узмай. Ҳайдовчи эса бепарво қўл силтади.

— Айб ўзларида, кўплари билет олмаган.

— Бирнинг касри минггами?

— Наиллож.

Бундай лоқайдларча муносабатдан ёқа ушладик. Ўзимизни таништириб, ҳужжатларини сўрадик. Уйда қолиб кетибди, деб баҳона қилди. Айёрлиги ўтмагач, лўндасига кўчиб қўя қолди.

— Ҳеч қанақа «нарушение» қилмадим, шунинг учун ҳужжатларимни бермайман-вассалом!

Тахминан ярим соатлар талашиб-тортишгандан кейин унинг Ҳайдовчилик гувоҳномасини олишга муваффақ бўлдик. Етти йилдан бери 18-автохўжаликда ишлаб келаятган, ҳатто ДАН ходимини ҳам назар-писанд қилмайдиган бу «мағрур» йигитнинг исм-шарифи Ақром Каримжонов экан.

«Саид ота-Фарҳод бозори» йўналиши бўйича йўловчиларга хизмат кўрсатаётган 03-13 ТШП рақамли автобус (Калинин автохўжалиги) шофёри Исмаилов Солиев ҳам бекатда йўловчиларни ўз ногорасига ўйната бошлади. Автобус ичидаги иссиқ, дим ҳавода ҳолдан тойган, юзлари бўғриққан ва терлаб пишган ёш-қарилар битта-битта босиб, олдинги эшикка қараб интилишарди.

— Одамлар бугун камроқ.

шунинг учун... — дея ўзини оқламақчи бўлди Ҳайдовчи.

18-автохўжаликнинг 90-13 ТНМ рақамли яна битта автобуси ҳам 152-маршрут бўйича қатнар экан. Атайлаб яқин бориб кузата бошладик. Ҳайдовчи ўз ўрнида ястаниб ўтирган қўйи йўловчилар чиптасини текширар, чиптаси бўлмаганлар узатган тангаларни эса бепарволик билан оларди. Ўзимизча ҳаёл қиламиз: бундай шароитда инсоф, виждон деган нарсалар халақит бермаси, ўрни кассага уриб, бирни кассага олиб бориш мумкин экан, валломати ҳам сезмайди. Яна бояги асаб-бузарлик такрорланди. Садриддин Алимов ҳам ҳужжатларини кўрсатишдан қатъиян бош тортди. Дўпписи тор келгандан кейингина кечирим сўради.

72-57 ТНЛ рақамли автобус ҳам 18-автохўжаликка қарашли экан. Лекин ҳар тугул унинг Ҳайдовчиси Вилоят Жалилов бошқа ҳамкасбларига нисбатан анча одобли, маданиятли экан.

— Гуруч курмакисиз бўлмаганидек, одамлар ўртасида билетга тўланадиган ўн беш тийиндан оғинадиганлари ҳам учраб туради, — дейди у. — Шунинг учун орқа эшикларни очмаймиз. — Одамларни қийнамас



ган 2 та автобус қайтиб келмади. Айниқса, 166-маршрут бўйича қатнайдиغان автобуслар фаолиятига чидаб бўлмайди. Эрталаб гараждан олти автобус ишга чиқарилган эди, шулардан тўрттаси сувга тушгандек ғойиб бўлди.

Биз ўша ернинг ўзидаёқ 3-автохўжалик директори Охунжон Исмоилов билан телефон орқали боғландик.

норозилик билдиришди. Тўғрида, бозор иқтисодиёти деган шомол чўнтакни қуритиб кетаётган бир пайтда ҳеч ким пулни кўчадан сугуриб олмайди. Лекин бу норозилик, табиики, Ҳайдовчига ёқмади.

— Мен ҳеч кимни мажбурлаб машинага чиқармадим. Қолаверса, ҳозир иш пайтим эмас, хоҳласам, бир сўмдан оламан! — деди

Ана шу воқеа сабаб бўлди-ю, Ҳайдовчи Виталий Курганский хизмат кўрсатиш маданияти у ёқда турсин, муомала маданиятидан ҳам беҳабар эканлигига ишонч ҳосил қилдик. Ҳаттоки у «Милиция ходимларини ижтимоий ва ҳуқуқий жиҳатдан ҳимоя қилишни кучайтириш ҳақида»ги жумҳурият қонунидан ҳам хабарсиз эканлигини намойиш этди. Акс ҳолда хизмат гувоҳномамизни кўрсатиб, талаб қилган дастлабки пайтимиздаёқ Ҳайдовчилик гувоҳномасини қўлимизга тутқазган бўларди.

Биз шу кунёқ В. Курганскийнинг йўловчиларга нисбатан қўполлиги-ю, яна бошқа хурмачага сиғмайдиган қилиқлари тўғрисида у ишлаётган 2-автохўжалик директори вазифасини бажарувчи Марат Аудовга қўнғироқ қилиб айтдик. Орадан бир неча кун ўтгач, шу масала бўйича корхона маъмуриятидан мактуб олдик. Дастлаб қувондик, хайрият, йўловчилар манфаати учун қайишадиган раҳбарлар бор экан, деб ўйладик. Лекин хатжидни очгач, тарвузимиз қўлтигимиздан тушиб кетди. Ўша кунги ноқонуний ҳатти-ҳаракати учун В. Курганский май ойи учун берилдиган мукофот пулидан маҳрум қилинибди, холос.

Хуллас, шу кун эрталабдан кечгача шаҳар кўчаларини айланиб, кўп нарсаларни кўрдик. Деярли ҳамма жойда автобуслар белгиланган жадвал асосида ҳаракат қилмаяпти, шунинг учун доимо одамлар тирбанд, устига устак ўрта ва орқа эшиклар очилмайди. Пастга тушиш учун аввало Ҳайдовчига пул тўлаш (шунча азоб эвазига) керак. Бунинг учун эса, марҳамат қилиб олдинга ўтишингиз лозим. Қийналасизми, бошқами ҳеч кимнинг иши йўқ.

Йўловчиларга намунали хизмат қилишга «бел боғлаган» автокорхоналар раҳбарлари эса, юқорида айтганимиздек, камчиликларга қарши курашиш ўрнига айбларини хаспўшлаш билан овора. Хўш, бу муаммони заррача бўлсада, енгиллатиш мумкинми? Албатта. Бунинг учун электр транспортлари каби автобусларни ҳам яна қайтадан абонемент системасига ўтказиш лозим. Бизнингча, бошқа йўл йўқ.

Раҳмонали ҚОСИМОВ,
Исмоилжон МИНАВВАРОВ,
«Постда» мухбирлари.

Рамзиддин МУХИТДИНОВ,
Тошкент шаҳар ИИБ
ДАНБ ходими милиция лейтенанти.

«Постда» рўзномаси ва Тошкент шаҳар ички ишлар бошқармаси давлат автомобилъ назорияти бошқармасининг қўшма рейди

лик учун нима қилиш керак деб ўйлайсиз?

— Ишхонамиздан билетсизларга жарима солишимиз учун талон берилиши керак. Акс ҳолда ўрмонга ўт кетса, ҳўл-қуруқ баравар ёнаверади.

Унинг сўзларида озгина бўлсада, жон борга ўхшайди. Жарима солишга талони ва ҳуқуқи бўлмаган Ҳайдовчи билетсизлардан олган тангаларни чўнтакка солишдан бошқа чора тополмайди. Бу билан корхона раҳбарлари уларнинг текин даромад орттиришларига қўлбола шароит яратиб беришяпти. Бу ҳақда ва ДАН ходимларига итоат этишга ўрганмаган Ҳайдовчилар тарбияси ҳақида мазкур 18-автохўжалик раҳбарлари жиддийроқ ўйлаб кўришса, фойдадан ҳоли бўлмасди.

«Пахтакор» бекатига бориб, диспетчерлик пунктига кирдик.

— Аҳвол яхши эмас, — дейди диспетчер Любовь Михайловна Миллер. — 65-маршрут бўйича қатнайди-

Афсуски, раҳбарнинг ўзи ҳам 75-59 ТНМ, 26-31 ТНМ, 68-71 ТНМ, 26-52 ТНМ рақамли машиналарнинг қаёққа кетганини билмас экан.

— Аниқлаймиз, бундай бўлиши мумкин эмас! — дейди у. — Агар шундай бўлиб чиқса, қаттиқ чора кўрамиз.

Биз эса директорнинг кўрайдиган чораси интизомсиз Ҳайдовчиларга таъсир қилармикан-йўқми, деб бошимиз қотди. Аниғи шуки, ўша пайтда 166-автобусни кутавериш, йўловчиларнинг кўзлари «қорайган».

«Инқилоб хийбони» бекатига «Раф» белгили 26—23 ТНЛ рақамли 2-автокорхонага қарашли машина келиб тўхтади. Аввалига ҳеч ким эътибор қилмади. Ҳайдовчи «Қўйлиққа!» дегандан кейин бир зумда йўловчилар билан тўлди. Йўлга чиқдик. Бир оз юргач, Ҳайдовчи йўл ҳақи 50 тийиндан эканлигини маълум қилди. Баъзилар унинг оғзидан чиққанини узата бошлади, баъзилар эса

кўзларини бақрайитириб. Биз ўзимизни таништириб, аралашганимиздан кейин у иккита беш сўмликни бизга тутқазмоқчи бўлди.

— Жарима қилинг-қўйингда, нима кераги бор! Кўпчиликдан юлиб олинган пул эвазига «хотамтойлик» қиладиган бу йигитнинг исм-шарифи Бахтиёр Утеулов экан.

Биз чиққан 52-92 ТНА рақамли 2-автохўжаликка қарашли 12-маршрутдаги автобус Қўйлиқдан «Инқилоб хийбони»га томон бораётганди. Ҳар доимгидек одамлар тирбанд. Шу боис улар олдинга ўтишга қийналиб, йўл ҳақини қўлма-қўл узатишарди. Бир пайт тўполон кўтарилди.

— Бизга билет берворинглар!

— Пулини олгандан кейин чиптасини ҳам берсинглар!

Бу гапларни эшитган Ҳайдовчи чиптаси йўқлигини маълум қилди.

— Пулни тушаётганда тўланглар!

Хуллас, жанжал-сурон авжига чиқди. Ўзича асаби таранглашган Ҳайдовчи уларни «босиб» қўймоқчи бўлди. Моторни ўчириб, ўрнидан турди. Орқасига қайрилиб, пўписа аралаш:

— Ким норози бўлаяпти? — деб сўради таҳдид аралаш.


— Биз, — дедик ва қўшиб қўйдик. — Қоида бўйича чипта беришингиз керак-да.

Бу танбеҳимизни у ҳазм қилолмади, лабига сигарета қистириб, тутатди.

— Салонни бўшатиб қўйинглар, мен гаражга кетаман!

У шундай дея пастга тушди ва кўча четига бориб, чўнкайиб ўтириб олди. Ниҳоят, ўзимизни таништиришга мажбур бўлдик.

— Автобусни ҳайданг, — дедик ётиги билан. — Акс ҳолда йўловчилар асабийлашяпти, бирор кор-ҳол бўлиши мумкин.



АРОҚЧИ ЧОЛЛАР

«Қароқчи чоллар» кино-комедиясини кимлар қизиқиб томоша қилмаган дейсиз. Унда ўз касбига меҳр қўйган мўйсафидларнинг қизиқарли саргузаштлари тасвирланган. Воқеа тафсилотлари ҳам ижобий маънода акс эттирилган. Бироқ биз ҳикоя қилмоқчи бўлган чоллар эса бунинг акси. Қизиқарли ҳам эмас. Қулгили жойи ҳам йўқ. Улар ўз манфаатлари

Қонунбузарларнинг ҳаммаси Сирғали тумани ҳудудида истиқомат қилувчилар экан. Кирилл Исаев 1924 йилда туғилган. Йўлдош даҳасининг 15-маҳалласи 13-уйида яшайди. М. Хрис эса 75 ёшда. Унинг уйи қўздан кечирилганда, уч шиша қалбаки ароқ, 30 килограмм шакар ва қўлбола ароқ тайёрлайдиган мослама топилган. «Дўстлик» даҳаси. 5-уй, 76-

ҳам бир талай ашёвий далиллар олинган. Райҳон кўчаси 22-уйда истиқомат қилувчи Александр Толкачев эса 40 ёшда экан. Бу «умидли» ёш шогирд ҳовлисида 200 литрдан кўпроқ ароқ тайёрлашга етадиган ачитки (брага) ва турли хил мосламалар топилган.

Ҳа, бундай мисолларни яна ҳам давом эттиравериш мумкин. Қисқа қилиб айтганда, бир гуруҳ бирни ўнга пулловчи ароқфурушлар ва қўлбола «оби замзам» ижодкорлари фаолиятига чек қўйилган.

— Бу ҳали қилинадиган ишларнинг ҳаммаси эмас, — дейди И. Алимжонов. — Чунки ишончим комилки, яна қанчадан-қанча ичкиликбозлар сўнгги бисотларини сотиб ёки ўғирлик қилиб, бундай ишлар қўлидан келмайдиганлар эса тиламчилик қилиб, ароқчи чоллар ҳузурига бош эгиб бормоқдалар. Бизнинг вазифамиз ичкиликбозларга ҳам, унга замин яратувчиларга ҳам қонуний йўл билан қақшатқич зарба беришдир.

Сухбатимиз тугай деб қолганда хушёрхона ҳовлисида махсус машина кириб тўхтади. Навбатчи милиционер унинг эшигини очди. Аянчли манзара, бир неча киши ўзларини билмайдиган даражада маст ҳолатда эдилар. Улар ўзларича нималардир, деб алжирар ва ҳатто қаерга олиб келинганликларини ҳам фарқлай олмасдилар. «Меҳмон»лар бирин-кетин ичкарида тиббий кўрикдан ўтказилиб, хоналарга жойлаштирилди. Эҳтимол, улар бир неча соат илгари ҳам милиция назарига тушмаган ароқчи чоллар ҳузурида бўлишгандир. Демак, курашни авж олдиравериш керак.

Исмон МИНАВВАРОВ,
«Постда» мухбири.



йўлида қонунни кўр-кўрона бузганлар, холос. Айримлар уларни «сассиқ чоллар» деб аташади. Чунки бу қариб қўюлмаганларнинг уйига ташриф буюрувчилар оддий рисоладагидай кишилар эмас. Бириси дайди, иккинчиси безори, яна бошқаси эса... Хуллас, соғ одам бу ерга келмайди. Барининг оғзидан боди кириб, шоди чиқади. Аъзойи баданидан эса қўланса ҳид анқийди. Бу ҳолдан қўни-қўшнилари безор. Чоллар бўлса, кечаю кундуз улар хизматида. Кимгадир ароқ сотишади, бошқасига вино. «Омбор»лари бўшаб қолган тақдирда, атир ёки бошқа бирор-бир ичса, маст қиладиган сассиқ сув топилади. Қисқаси ичувчига ҳам, «сотувчига» ҳам бу зормандани юз хилидан мавжуд экан. Бунга мен Сирғали тумани ички ишлар бўлимига қарашли тиббий хушёрхона бошлиғи милиция майори Йўлдош ака Алимжонов билан бўлган суҳбатда ишонч ҳосил қилдим.

Бошлиқнинг хизмат хонасидаги жавонда китоблар эмас, спиртли ичимликлар тўлдирилган шишалар, қўлбола ароқ тайёрлаш учун мўлжалланган аппаратлар ва бошқа мосламалар бор эди. Мен қизиқиб, бу буюмлар қаердан олиб келинганини сўрадим. Йўлдош ака эса кулимсираб: «Ўлжа олинган», — деди. Изоҳ сўрадим. Бошлиқ сўнгги ойлари ичида ўтказилган тадбирлар натижасида кўпгина ароқхўрлар, спиртли ичимликлар билан чайқовчилик қилувчи ҳамда қўлбола ароқ тайёрловчи шахслар аниқланганлигини сўзлаб берди. Жавондаги буюмлар эса ашёвий далиллар экан.

— Албатта, булар ҳаммаси эмас, — қўшимча қилди бошлиқ. Сўнгра у қўлидаги ҳужжатларни менга тўтқазди...

хонадонда турадиган 57 ёшли Василий Татарников ҳам ўзи тайёрлаган ароқни сотаётган пайтида тумшугидан илинган. 1934 йилда туғилган Мақсуд Харисов, 1928 йилда туғилган Елизавета Шекероваларнинг хонаси ароқ цехлари ҳам йўқ қилинган. Сирғали даҳаси, 4-маҳалла, 15-уй, 3-хонадонда яшовчи 67 ёшли Мария Гордиенко ҳам ичкиликбозларни хурсанд қиладиган пайтида тўхтатиб қолинган. Ундан



СУРАТЛАРДА: 1. Сирғали тумани ИИБга қарашли тиббий хушёрхона бошлиғи милиция майори Йўлдош Алимжонов ароқфурушлардан тортиб олинган спиртли ичимликни ва қўлбола ароқ тайёрлаш учун мослашти-

рилган буюмларни кўздан кечирмоқда. 2. Милиция катта сержанти Аҳмад Эргашев навбатдаги «мижоз»лардан бирини хонага жойлаштирмоқда.

Муаллиф олган суратлар.

БОЙИШНИНГ «ОСОН» ЙЎЛИ

милиция ходимлари аралашдилар. Оқибатда туман халқ суди ҳукми билан У. Мелишевдан 200 сўм миқдорида жарима ундириб олинди.

«ВЛКСМ 60 йиллиги» давлат хўжалиги ҳудудидаги ошхона ошпази Анор Қодирова ҳам ҳўрандага бир шиша ароқни 20 сўмга, 2 пачка «ТУ-134» си-

гаретасини 3 сўмга сотаётганда ушланди. Унга туман халқ суди ҳукми билан 300 сўм жарима солинди.

С. МИРЗАЕВ,
М. ШОДМОНОВ,
Большевик тумани ИИБ ходимлари милиция катта лейтенантлари.
Самарқанд вилояти.

Сўнгги бекат

Шу йил 19 февраль кuni фарғоналик Александр Кравсов бошқарувидаги «Москвич-21403» белгили автомашина Бағдод туманидаги Дўрманча қишлоғига кириб келди. Хуфёна сўраб-суриштириб, «Дўстлик» давлат хўжалигининг ишчиси Фарҳод Эсонов хонадонига боришди. Енг ичида савдолашиб, охири келишиди. 200 грамм кўкнори ўша машинадан тушган кавказча юзли йигитнинг, 200 сўм нақд пул эса Фарҳоднинг чўнтағига тушди. Машина яна йўлга чиқди. Кавказча юзли йигит бу ҳариддан унча мамнун эмасди, негаки, дунёнинг бир чеккасида келиб, озгина кўкнори топди, холос. Янги «объектни» қидириш шарт.

Лекин унинг бу мақсади амалга ошмади. Туман ИИБ оператив гуруҳи аъзолари шартли белгига асосан машинани ўраб олишди. Шундагина «меҳмон»лар бу жой ўзлари учун сўнгги бекат эканлигини англаб етдилар.

Энди муҳтарам ўқувчиларимизни улар билан таништирайлик. Вағиф Шероз ўғли Аббосов 1956 йилда туғилган, миллати озарбайжон, икки нафар фарзанди бўла туриб, оиласини тарқатган, муқаддам Озарбайжон ССЖ ЖМнинг турли моддаларига асосан судланган шахс. Тинтув пайтида унинг ёнидан сотиб олинган 200 грамм кўкнори, совуқ қуроллар турига кирувчи қўлда ясалган ханжар ҳамда 905 сўм пул топилди. Агар унинг «саёҳати»га чек қўйилмаганида, бу пулга ҳам кўкнори сотиб олмақчи экан. Унинг чўнтагидан чиққан яна бир нарсаси милиция ходимларини қизиқтириб қўйди. Бу Иркутск

шаҳар наркология диспансерига ёзилган йўлланма эди. Маълум бўлишича, Вағиф РСФСЖнинг Саянск шаҳрида жазо муддатини ўтаётган пайтида Иркутск шаҳрига даволанишга юборилган экан. Лекин у олис Сибирда эмас, балки серкўёш Ўзбекистонда «даволаниш»га жазм этган. Истеъмол қилиш мақсадида 200 грамм кўкнорини 200 сўмга сотиб олиб, ЎзССЖ ЖМнинг 216-1 моддаси 6-қисми 2-бандида кўрсатилган жиноятни, ёнида совуқ қурол олиб юриб, 210-модданинг 3-қисмида кўрсатилган жиноятни содир этди.

Унинг ҳамроҳи Жавдот Муҳаммадиев эса 1967 йилда Фарғона шаҳрида туғилган, шу шаҳардаги педагогика олий билимгоҳи учинчи босқич талабаси. Бўлажак тарбиячи ёнидан 8 грамм наркотик модда топилди. Жавдотнинг бу ҳаракати ЖМнинг 216-1 моддасининг 1-қисмига биноан жазоланади.

«Меҳмонлар» ҳолатини чиқарган Фарҳод Эсонов эса 1963 йилда таваллуд топган, икки фарзанднинг отаси. Унинг хуфёна савдоси ҳам ЖМнинг 216-1 модда 2-қисми 2-бандига мос келади.

Яқинда бўлиб ўтган халқ суди ана шу нуқтаназардан келиб чиққан ҳолда ҳукм чиқарди. В. Аббосов 3 йил 9 ой, Ж. Муҳаммадиев 3 йил, Ф. Эсонов эса 4 йил қамоқ жазоси билан тақдирланди.

А. СОБИРОВ,
Бағдод тумани ИИБ бошлиғи ўринбосари милиция майори.

Р. ЖҲРАЕВ,
ИИБ терговчиси милиция капитани.

Ишга таклиф қиламиз

Аҳлоқ тузатиш бошқармаси соҳасида ишлаш маънавияти, аммо шарафлидир. Азиз ўртоқлар, армия сафларидан бўшатилган жангчилар, олий ўқув юрти ва техникумлар битирувчилари, ғайратли ва тиришқоқ, жамиятимизда тартиб ўрнатишга жони аччидиган сизлар эмасми? Бизда худди Сиздайлар ишлашади. Бизнинг фаолиятимиз нимадан иборат?

Қисқача айтганда, бизнинг бошқарма муассасаларида жиноят учун жазо муддатини ўтаётган шахслар қайта тарбияланади. Бу иш оғир ва масъулиятли, аммо жамиятга тўқис одамни қайтаришда ниҳоятда катта фойдаси бор.

ЎзССЖ ички ишлар вазирлиги аҳлоқ тузатиш бошқармасининг оддий ходимлар ва бошлиқ шахсий таркибидagi лавозимда хизмат қилишга Совет Армияси сафларида хизмат бурчини ўтаган, 30 ёшгача, истисно тариқасида 35 ёшгача бўлган эркеклар қабул қилинади.

Ўрта техник ёки олий маълумотли шахслар бошланғич тайёргарликдан ўтишгач, «ички хизмат кичик лейтенанти» ёки «ички хизмат лейтенанти» унвонлари берилади.

Энг кам иш ҳақи ойига 400-500 сўм. Оддий ва кичик бошлиқлар таркибига ўрта маълумотли шахслар қабул қилинади.

Энг кам иш ҳақи ойига 300-400 сўм бўлиб, маош хизмат йилига қараб ошиб боради.

ЎзССЖ ИИБ АТБ ходимлари қўйидаги имтиёзлардан фойдаланишади:

- ҳар йили 45 кунлик меҳнат таътили;
- меҳнат таътилида дам олиш манзилига етиб олишда уловнинг ҳамма кўринишларида мамлакатнинг исталган жойига бепул бориб келиш;
- идоравий дам олиш уйлари, санаторий, пионер лагерлари мавжуд;
- нафақа белгилаш вақтида хизмат йилини ҳисоблашда бир ойлик хизмати бир ярим ойга ўтади;

— касб маҳорати даражасини оширишни истаганларга ССЖИ ИВнинг олий ва ўрта ўқув юртига йўлланмалар берилади.

Маълумотлар олиш учун қўйидаги манзилгоҳга мурожаат қилиш мумкин: Тошкент шаҳри-5, Куйбишев поссеси-25, 215-хона, телефон: 91-61-39, кадрлар бўлими (Ичкилоб хизбонидан 12, 26, 37, 52, 68-автотуслар билан «Ўзқоғозкомбинат» бекатигага борилади).

Муҳаррир
Зокир ОТАЕВ.

МАНЗИЛГОҲИМИЗ: 700029, Тошкент, Лопатин кўчаси, 1.

Ўзбекистон Компартияси Марказий Қўмитаси нашриётининг Меҳнат Қизил Байроқ ордени босмахонаси, 700083, Тошкент, Ленинград кўчаси, 32.

Телефонлар: Муҳаррир,
муҳаррир ўринбосари — 39-77-23,
37-23, 46-56 (ички).

«ПОСТДА» —
(«НА ПОСТУ»)
Орган коллегии МВД
ЎзССР